

Юрт тараққийети йўлида бирлашайлик!

Ishonch

Ўзбекистон касба уюшмалари Федерацияси нашри • Газета 1991 йил 21 мартдан чиқа бошлаган • www.ishonch.uz • e-mail: ishonch1991@yandex.uz

2022 йил
12 февраль
ШАНБА
№ 19
(4615)

САМАРҚАНД ХАЛҚАРО АЭРОПОРТИ ЯНГИ ҚИЁФА КАСБ ЭТАДИ



Самарқанд халқаро аэропорти қарийб 83 миллион долларлик лойиҳа эвазига янгидан қурилмоқда. Ўтган йили учиб-қўниш йўлаги қайта бунёд этилган эди. Ҳозирда бу ерда янги терминал тўлиқ тикланиб, пардозлаш ишлари олиб борилмоқда. Йўл, автотураргоҳ ва ёритиш устунлари барпо этилмоқда.

Маълумки, Мирзо Улуғбекнинг буюк мероси Самарқанднинг тимсолига айланган. Шу боис янги аэропорт биноси аллома бобомизнинг «Зижи жадиди Қўрагоний» китоби шаклида барпо этилган. Терминалнинг эни 175, баландлиги 25 метр. Бир соатда 800 нафар йўловчига хизмат кўрсатиш қувватига эга бўлади.

Янги терминал аэропортда «очик осмон» режими қўлланилади, карго хизмати ҳам йўлга қўйилади. Янги терминал келгуси ойда фойдаланишга топширилиши мўлжалланган.

Фото: ЎЗА



Кун нафаси


Президент **Шавкат Мирзиёев** раислигида 11 февраль куни йўлларда инсон ҳафтизислигини таъминлаш чора-тадбирлари юзасидан **видеоселектор йиғилиши** ўтказилди.

Ўзбекистон Президенти **Шавкат Мирзиёев** амалий ташриф билан мамлакатимизда бўлиб турган Қозоғистон Бош вазири **Алихан Смаиловни қабул қилди**.

Олий Мажлис Сенати Раиси **Танзила Норбоева** Германиянинг Ўзбекистон Республикасидаги Фавқулодда ва Мухтор Элчиси **Тило Клинер билан учрашди**.


Олий Мажлис Сенати Раиси, Ўзбекистон Республикаси Гендер тенгликни таъминлаш масалалари бўйича комиссия раиси **Танзила Норбоевнинг** Европа тикланиш ва тараққийёт банкининг Марказий банк бўйича бошқарувчи директори **Жужанна Харгитай билан учрашуви** бўлиб ўтди.

Брюссель шаҳрида Ўзбекистон Республикаси Бош вазирининг ўринбосари – инвестициялар ва ташқи савдо вазири **Сардор Умурзоқов** Европа комиссияси вице-президенти **Маргаритис Схинас билан учрашув ўтказди**.



Брюссель шаҳрида Ўзбекистон Республикаси Бош вазирининг ўринбосари – инвестициялар ва ташқи савдо вазири **Сардор Умурзоқов** Европа Кенгаши Президентининг ташқи сийбати бўйича Бош маслаҳатчиси **Саймон Мордо билан** Ўзбекистон ва Европа Иттифоқи ўртасидаги сийбати ҳамда иқтисодий ҳамкорликни чуқурлаштириш йўлларини **муҳокама қилди**.

Тошкент ирригация ва қишлоқ хўжалигини механизациялаш муҳандислари институти миллий тадқиқотлар университетида 11 февраль – «Халқаро илм-фан соҳасидаги хотин-қизлар куни» муносабати билан «**Уч авлод олима аёллар**» **1-халқаро онлайн форуми** ўтказилди.



Пойтахтимиздаги Халқаро шахмат академиясида **8-12 ёшдаги ўғил-қизлар ўртасида мамлакат чемпионати** баҳслари давом этмоқда.



Тақдимот

«АБРОРЛАР ҲАЙРАТИ»

ёхуд «Ҳайрат-ул аброр»дан ҳайратлар

Узоқ йиллардан буён олимлар «Инсон нима учун дунёга келади? Унинг келиб-кетилишидан қандай маъно бор?» деган саволларга жавоб қидиради. Алишер Навоий аллақачон бу ҳақда ўз сўзини айтган.

Математик олим, академик Абдулла Аъзамнинг «Аброрлар ҳайрати» китобида ана шу буюк алломанинг боқий саволга қолдириб кетган жавоби борасида мушоҳада юритилади. Китоб «Ҳайрат-ул аброр» дostonини ўқиб, ундан чиқарилган хулосалар асосида ёзилган.

– Университетда кўп йиллар талабаларга дарс бердим, – дейди академик Абдулла Аъзамов. – Математиканинг устаси бўлдим. Аммо бошимга мушкул иш тушган кунларнинг бирида кўлимга Навоийнинг «Муножот» асари тушиб қолди. Уни такрор ва такрор ўқидим, таъсирландим, ҳаттоки, йиғладим. Йиллар давомида ихлос билан ўрганиб шуни англадимки, Навоий ғоялари ҳозирги давримиз учун ҳам жуда зарур. Биз шундай инсониятнинг балолардан асровчи «олмос қилич» ва «қалқон»ни деворга осиб қўйибмиз холос. Уни ўқиб-ўрганиб, ўринли фойдаланмаймиз.

Ўзбекистон Ёзувчилар уюшмасида олимнинг навоийшунос сифатида ўргангани, таъсирлангани ва ҳайратларига бағишлаб ёзган «Аброрлар ҳайрати» китобининг тақдимоти бўлиб ўтди.

Тадбирда Иброҳим Ғофуров, Усмон Азим, Абдусалом Умаров, Сирожиддин Саййид, Аҳмадҷон Мелибоев ва Олимҷон Давлатовлар «Аброрлар ҳайрати» китобининг мазмун-моҳияти ҳақида сўз юритишди.

Зебо НАМОЗОВА,
«ISHONCH»



Хоразм вилояти

Пленум

Ишонч билдирилди

Ўзбекистон касба уюшмалари Федерацияси Хоразм вилояти кенгашининг пленуми бўлиб ўтди.

Пленумни вилоят кенгаши раиси Эргаш Юсупов олиб борди. Кенгаш аъзолари ташкилий масалани кўриб чиқдилар.

Давлат муассасалари ва жамоат хизмати ходимлари касба уюшмаси Хоразм вилояти кенгаши раиси ўринбосари лавозимида ишлаб келаётган Фармон Аллаберганов Ўзбекистон касба уюшмалари Федерацияси Хоразм вилояти кенгаши раиси ўринбосари қилиб сайланди.

Фармон Аллаберганов 39 ёшда. Урганч давлат университетини тамомлаган. Касба уюшмалари тизимидаги



фаолиятини 2009 йилда Таълим ва фан ходимлари касба уюшмаси Хоразм вилояти кенгашида бошлаган. 2014-2021 йилларда Давлат муассасалари ва жамоат хизмати ходимлари касба уюшмаси Урганч

шаҳар кенгашига етакчилик қилган.

Пленумда, шунингдек, вилоят кенгаши ва ижроия кўмита аъзолари таркибига ўзгаришлар киритилди.

Мухаббат ТЎРАБОВЕВА,
«ISHONCH»



Бухоро вилояти

Маърифат соати

Улуғлар меросига эҳтиром



Бухоро вилояти Марказий банк бош бошқармасида буюк шоир ва мутафаккир Алишер Навоий ҳамда Захриддин Муҳаммад Бобур таваллуд саналари муносабати билан «Маърифат соати» ўтказилди.

Тадбирда Республика маънавият ва маърифат маркази Бухоро вилояти бўлими мутахассислари маърузалар қилишди. Иштирокчилар ўзларини қизиқтирган саволларга муфассал жавоб олишди.

Ҳотам ШАРИПОВ,
Бухоро вилояти Марказий банк бош бошқармаси бошланғич касба уюшма кўмитаси раиси



Жиззах вилояти

Фаолият

Зарбдор тумани тиббиёт бирлашмаси ҳамширалари Умида Қорабоева ҳамда Дилрабо Қувноқова Соғлиқни сақлаш ходимлари касба уюшмасининг Жиззах вилояти кенгашига арз қилишди.

Қувноқова кимдан хафа?

Жиззах вилоятида тиббиёт ходимларининг ҳуқуқларини таъминлаш борасида муҳим ишлар амалга оширилмоқда

Мурожаатда Умида Қорабоева кеч соат 18:00 дан 22:00гача иш вақти учун кўшимча 1,25 баравар миқдорда ҳақ тўлаши белгиланган бўлса-да, иш берувчи томонидан унга кўшимча маблағ тўлаб берилмаганини, Дилрабо Қувноқова эса иш берувчи томонидан вақти-вақти билан ходимларни тиббий кўриқдан ўтказиш иш берувчи ҳисобидан амалга оширилиши белгиланган бўлса-да, мажбурий тиббий кўриқ учун тўловларни ўз ҳисобидан тўлаб келганини баён этган.

Ҳар икки мурожаат Соғлиқни сақлаш ходимлари касба уюшмасининг Жиззах вилояти бўйича меҳнат инспекторлари томонидан атрафлича ўрганиб чиқилди ва қайд этилган ҳолатлар ўз тасдиғини топди.

Шундан сўнг Соғлиқни сақлаш ходимлари касба уюшмасининг Жиззах вилояти кенгаши томонидан сўнг мазкур ҳолатлар юзасидан Фуқаролик ишлари бўйича Зарбдор туманлараро судига даъво аризаси киритилди.

2022 йилнинг 27 январидаги суднинг ҳал қилув қарори қўриқ, тиббиёт ходимларининг ҳуқуқлари тикланди. Умуман олганда, Соғлиқни сақлаш ходимлари касба уюшмаси Республика кенгашининг Жиззах вилояти бўйича меҳнат инспекторлари томонидан 2021 йил мобайнида тизимдаги 31 та тиббий муассасада ишчи-ходимларнинг ижтимоий-иқтисодий, ҳуқуқий манфаатлари юзасидан мониторинг ўрганишлари олиб борилди. Уларнинг натижаси бўйича 509 нафар ходимнинг меҳнат қонунчилигига оид ҳуқуқлари тикланди, 128 нафар тиббиёт ходимига 138,1 миллион сўм миқдорда иш ҳақига тенглаштирилган кўшимча тўловлар тўлаб берилди. Шунингдек, тиббиёт ходимларининг тиббий кўриқ учун ўз ҳисобидан чиқимдор бўлишига йўл қўйилган 9 та тиббиёт муассасасидан 33,7 миллион сўм маблағ ходимлар ҳисобига ундирилди.

Мелитожи ЯКУБОВ,
Соғлиқни сақлаш ходимлари касба уюшмасининг Жиззах вилояти кенгаши раиси

Келгуси сонларда ўқинг...

